



**S** Seuerinus acerrimus Christianæ fidei assertor in partibus Austriæ ad Danubiũ sitis longè lateq; Euangelium prædicauit, & idolorũ cultum destruxit. primũ aut̃ in oppidum Asterum ueniens, quod hodie Stockerau dicit̃, ciues & incolas diligenter admonuit, ut Christi doctrinã susciperẽt, atq; eandem pijs operibus declararẽt, cum aut̃ illi p̃ uiri admonitiones contemnerent, ipse ad Noricos peruenit, & haud longè à Viẽna, quæ tum Gothico uocabulo Flauabis dicebatur, cellulam construxit, cuius uestigiũ etiamnum hodie extat, uicus etiam adiacens patria lingua S. Seuerin dicitur. Cum aut̃ hominum concursus, qui-

bus Christum prædicabat, indies maior fieret, atq; multi ei insidiarent̃, ad oppidum Comagensis, quod hodie Kaumberg dicitur, peruenit, atq; omnes finitimos Christi doctrinã docuit. Hinc factũ ut etiã regẽ Rugorũ, Flaccitheũ nomine, q̃ tũ Burgũ habitabat (ubi hodie Burgẽdorff extat) Christianũ effecerit. Captiuos etiã Rom. partim precib. partim pecunia redemit, et impetrauit. Cum etiam bellorum tumultibus omnia implerentur, ipse Christianos ad patientiam adhortatus in uera fide continuit, & futuram piorum gloriam declarauit. Tum quoq; Quintanis (ubi hodie Cuntzigẽ cernitur) inter Batauiam & Ratisbonam Euangelium annuntiauit. tradũt etiam aliqui ex scriptoribus S. Seuerinum per Germaniam ad Colonienfes peruenisse, & eos in fide confirmasse. Postea in Noricum rediens Augustam peruenit, in quo loco Lucillus, Valentinus, & Syluinus Ecclesiam instituebant. Tandem uerò Laureacũ cõcessit, quod hodie ab Anaso fluuiõ uulgò Ens dicitur, atq; in Bauaria passim ueram Christi fidem docuit.